

Pedras

CATEGORÍAS RELACIONADAS

O Penedo do Arangaño

O Penedo do Arangaño ou Angaraño atópase pola estrada que vai de Xinzo de Limia a Vilar de Barrio, á altura da aldea de Perrelos, concello de Sarreaus, comarca da Limia (Ourense) nun dos montes da parroquia dos Castelos. Ten gran grosor e unhas unhas proporcións de 1,5 m de alto e 3 m de diámetro, aproximadamente. O penedo era bo para curar unha enfermidade moi común entre os nenos pequenos, que consistía nun avultamento da barriga; como consecuencia non comían e ata podían chegar a morrer. A xente maior do lugar conta que como se facía o rito: levábase ao meniño ata o penedo e a nai metíao polo burato, despois a madriña recollíao pola saída do penedo. De seguido quitábaselle a roupa ao neno e colgábase das árbores que están arredor e logo vestíase o meniño con roupa nova. Como sinal de agradecemento tirábanse moedas dentro do penedo e púñase un cirio acendido. Hoxe en día aínda se poden ver restos de candeas e hai uns anos era posible atopar moedas. Non todas as persoas coas que falei me dixeron que tiñan que ser a nai e a madriña do neno, algunhas din que só era necesaria a presenza da nai e dunha axudante. Outras tamén din que á vez que se pasaba ó meniño por debaixo do penedo había que dicir unhas palabras "máxicas", algo así como:

—Comadre miña, heiche vai o angaraño; vóltamo sano e vivo.

[Texto remitido por Xavier Feixóo, Sandiás, Ourense. Reproducido de R. Novoa Rivero "Os penedos no Val de Antela"]

BIBLIOGRAFÍA

FONTE

NOVOA RIVERO, Rocío, «Os penedos no Val de Antela», nº 8 da revista Pontenova. Revista de Novos Investigadores, Deputación de Pontevedra, 2003. (Véxase ligazón en www.concellodesandias.com, web de Cultura Popular do concello de Sandiás a cargo de Xavier

Feixoo).

BIBLIOGRAFÍA:

CUBA, X. R., MIRANDA, X. e REIGOSA, A., Dicionario dos seres míticos galegos [Tangaraño, Tango-Mango], Xerais, Vigo, 1999.

COMENTARIOS ENVIADOS

O Penedo do Arangaño non é de Cortegada sinon de Perrelos. Está ubicado na finca dos meus primos Cesareo e Paulos (fallecidos) veciños de Perrelos. Ademais está no término demarcado de Perrelos.

Enviado por Camilo Brandín o 18/08/2021 ás 22:50:25